

mit der Heiligen Schrift stimmt / Denn
Mosi den Aprill/zum ersten Monden des jars
setzet/ Also ist die Herrschafft vnd das Reich
der gnaden/auch eine fröliche/lustige zeit/ da
innen Messia vns gerecht vnd Gottfürchtig
macht/ das wir grünen/ blühen/ wol riech
en/wachsen vnd fruchbar werden/ Denn er
ist die Sonne der gerechtigkeit / die wider zu
vns nahet/ Wie Malachi sagt / Es sol euch
die jr meinen Namen fürchtet/ die Sonne der
gerechtigkeit auff gehen/ vnd Weil vnter sei
nen sittichen / Darumb er auch hat wollen
leiblich im Lentzen oder April / inn der lusti
gen zeit/von den todten Auffstehen/ vnd sei
ne Herrschafft anfahen/ ob er wol im Wint
er geboren/ das ist / vmb vnser willen/vnter
die sünde / allerley jamer vnd tod Adams/
sich gegeben/ vnd also den harten Winter
über/ 33. jar ausgestanden hat.

Denn gleich / wie der Prophet David
hie/durch den Lentzen/bedeut die seligen zeit
der gnaden/so durch Messia seinen Son/vns
scheinet/ Also gibt er damit zu verstehen/ das
durch den winter/das widerspiel/Nemlich/
die zeit der vngnaden vnter der Erbsünde/die
wir durch Adams fall haben/ bedeutet sey/
Vnd hat Gott also/in seiner Creatur vns zum
ewigen gedechtnis/bis an den Jungsten tag
Da andere Jar/ Erden vnd Himel sein wer
D iij den 2 für